



Die dreyzehende Predigt/
 Vom Schmelzen / Ab-
 treiben / vnd Silber brennen / aus
 dem Spruch Malachie am 3.
 Jeremie. 6.

1560.

A Liebten Freunde im HERRN/
 es gehet ein höfliche Rede in Hütten / der
 HERR Christus sey auch ein Schmelzer
 gewesen / Denn Johannes der Täufer
 sey ihm fürgelauffen / wie denn ein jeder
 Schmelzer seine Fürlauffer haben muß /
 der ihm Handlanget vnd hilfft. Ob nu
 wol diß Schertz / vnd verdeckter Weise geredet / so ist es den-
 noch im Grunde war / daß der Sohn Gottes ein rechter
 Geistlicher Schmelzer / vnd der rechte Hüttenherr vnd
 Hüttenreuter ist / der in seinen Geistlichen vnd ewigen Hüt-
 ten / von Anbegin redlich hat lassen vmbgehen / vnd die-
 selbigen mit tüchtigen / verständigen / fleißigen / erfahre-
 nen / vnd trewen Vorstehern vnd Arbeitern versehen vnd
 bestellet.

Malach. 3.

Denn Malachias weissaget mit klaren Worten am
 dritten / wenn der Engel des Bundes / welches ist der ewige
 Sohn